



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavrorm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 105. Et cum eo turba multa cum gladiis & lignis. v. 43.

urn:nbn:de:hbz:466:1-45533

mala metamorphosis. Utinam non reperiatur illa amplius in terris. Veruntamen si repetitur, de ista mala metamorphosi nouit bonus Deus excitare bona multa. Apostatae ab Ecclesia, sunt & purgamenta, & indicia. purgamenta quidem quia Ecclesiam sua mala vita & exemplo liberant; Indicia, quia hos quibus le coniungunt, convincunt non esse de numero discipulorum Christi, sic illi miseri sibi, nobis sunt utiles plane, ut furum suspendium, utile est Reipublicæ, non ipsis suspendiarijs, terreni: ut alij exemplo, dum hi in Rep. viuere desinunt.

§. 104. Et adhuc eo loquente, venit Iudas Iscariotes unus de duodecim. v. 43.

Vix pius Dominus illud Ecce protulerat, adeo Iudas & personam omnium apostatarum ab Ecclesia Catholica & ab ordine Sacerdotali & Regulari agit, non sanctitate, sed depravatus, auarus, odio, liuidus, impius, sacrilegus: in quem finem? ut capiat, despoliet, incindat, findat, rapiat, maestet, perdat: Egregius sane Apostolus, non Christi sed diaboli! cuius viscera non confundantur, cor tremiscat, caliget visus, hebescat intellectus, aufugiat auditus, quando opponitur virtutum magnitudini, criminum magnitudo. Iesu scala virtutum, Iudas scala inferorum. Magisterium vitae, magisterio mortis, sanctitatis forma & ipsa sanctitas ipsi impietati, ipsa iustitia, ipsa bonitas, ipsa clementia, iniustitia, feritati, & atrocitati, benefactor & pater, latroni & hosti, &c.

Domine Deus, nunquam credo tam infestam aciem unquam in mundo concurrisse, quam tum, quando tu sanctitas stabas ex una parte, cum tuis discipulis, & ex altera, stabat Iudas & eius militia. nam quando diabolus contra te leto stabat tunc tot vitia non stabant quot modo, siquidem diabolus odium suum profitebatur, at Iudas illud specie amicitiae velabat & magis nocebat. Itaque rogo te Domine ut longè facias à Catholicis tuis seruis omnem simulationem & hypocrisim, da omnibus sincerè & candide agere, ne & se & alios fallant.

§. 105. Et cum eo turbam multam cum gladiis & lignis. v. 43.

Describit hic Euangelista qualiter & quo animo venerit Iudas ad horum & ad Christum, ut tori mundo constare possit, eum non venisse, ut amicum, sed inimicum, non in custodiam, sed proditionem; non in defensionem, sed læsionem: hoc enim est venire cum turba multa, cum gladiis & lignis, casu quo se defendere velleret, vel per se vel alios: audierat enim in cœna Dominum dicentem ad discipulos: quando misi vos sine sacculo & pera & calicem, nunquid aliquid vobis deficit? & illos respondentes: nihil, & mox; sed

nunc, qui habet sacculum, tollat, similiuer & peram, & qui non habet, vendit tunicam suam & emat gladium: dico enim vobis quoniam adhuc hoc quod scriptum est, operam impleri in me: ergo contra dictum Christi se munire volens proditor, fortiori manu sibi prouidit, & cum cohorte, & missis a pontificibus & Phariseis, ministris venit, cum igitur cohors Romana adhibito equitatu ac peditatu constaret; nempe 55. peditibus ut minimū & Equitibus 56. vel uti Vatabus in 18. Ioannis autem mille militibus, facile estimare est hos omnes armatos gladijs & lignis, hoc est telis, hastis, lanceis, bipennibus, sagittis iuno vectibus & arietibus fuisse instructos.

VEruntamen vane, ô filij Hominum, nam quæso vos milites, & te Capitanee, nunquid vos omnes desipitis, & prudentia hominum non est in vobis? quia proditori vos creditis, & quidem tam recenter fugitiuo, & per noctem ducendos. Si hoc est sapere, nescio quid sit despere. Vide anima mea, quomodo passiones excæcent homines, & mature te libera à Tyrannide earum per gratiam Salvatoris tui. Tu, ô custos Hominum, obsecra præbe mihi spiritum tuum S. qui vitiorum regnum in me diminuat & exterminet, ne cum his insipientibus despiciens proditores tuos sequar, qualibet sunt Sacerdotes à Catholica Ecclesia apostataentes, Hæretorum duces.

§. 106. A summis Sacerdotibus, scribis, & senioribus. v. 43.

Pergit describere Euangelista à quibus missi veniebant milites nempe ab his à summis Sacerdotibus, qui oderant Christum, eo quod reformati Veteris Testamenti sacerdotium veniebat, figuram in realitatem, virtutem in virtutes & vitam in sanctam, immaculatam Sacerdotio dignam. A scribis, hoc est Legis seu Iuris Diu. & Hum. Doctoribus cum summa doctrinæ gloria, contra quorum aliqua dogmata corrupta Christus docebat, addebatque quod non secundum suammet doctrinam, viuerent: nec seruarent, quod faciendum docerent. denique à Senioribus & à Magistris Civilibus seu Senatu quem de iustitia & iudicio male administrato sapienter guerat.

Hinc facile apparet, quam generosus fuerit animus Christi Domini, qui secundum infirmitatem naturæ humanæ Patri sui iussu tantis se virtus debuit opponere, & eorum iram, & insidias in se suscipere. Domine Deus, ego in conuiuio, in senatu, in concilio, in capitulo, in tribu, &c. congregacionibus, vix audeo me opponere iniqua sentientibus, verecundor illos, quales meos offendere, fere cum illis curro in malum, ex mea pusillanimitate, cum igitur tu fueris adeo magnanimus, ut te cunctis simul opponeres malis, obsecro te fac me saltem animosum pro iustitia aduersus paucos.

§. 107.